


# LITERATURO...

La jurado dóu Grand Prèmi Literàri de Prouvènço an guierdouna aquest an l'escrivan Pèire Pessemesse...



# Prouvènço d'aro

Tóuti li mes, lou journau de la Prouvènço d'aro

Nouvèmbro 2012

n° 282

2,10 €

## Estat Generau

Lis Estat generau de la demoucracio territou-rialo soun en plaço, d'assetoun au Senat.

Acò pèr prepara un proujèt de lèi sus la des-centralisacioun.

Dóu cop, li bràvi senatour parton li proumiè escouta lou pople di regioun, despartamen, coumunauta urbano, coumuno, etc.

E, pecaire, podon plus se preocupata de la prouposicioun de lèi tendènt à la reconeissènço di lengo e di cultura regiounalo, presentado aquest an pèr lou senatour Roubert Navarro. L'apoundoun à l'article 2 de la Coustitucioun " dins lou respèt di lengo e di cultura regiounalo qu'apartènou au patrimòni de la Franço..." tóuti se n'en garçon.

Pamens sian mai parti pèr prene l'èr de la descentralisacioun.

Lou prèsiènt de la Republico, Francès Hollande, l'es venu dire lou mes passa à nòsti valènt senatour.

Es simple, pèr ié baia fisanço, vai crea l'Aut Counsèu di Territòri, pèr la councertacioun, l'evaluacioun e la negociacioun emè l'Estat. Aqùi, quand s'en vèn dire qu'es legitime d'encadra aquelo evolucioun trouban pamens un apoundoun que nous pertoco: " *Avèn tambèn besoun mai de teni comte de la diversita de nòsti territòri. Parle pas aqùi simplamen de l'Outro-Mar que counèis adeja aquelo evolucioun, parle de nòsti regioun... Avèn besoun tambèn, de teni comte de la diversita de nòsti regioun.*" Saupre se la diversita linguistico sara dins sa banasto ?

Aro, pèr coumença vòu supremi li normo, uno pèr dos, es-à-dire tóuti li reglaman vouta pèr rèn dins li regioun. Faudra pèr decida d'uno nouvello normo l'avis favouable d'uno Coumessioun d'Evaluacioun.

La clarta de tout acò fai pas lume, belèu que vòu miés garda lou tèste en versioun òriginalo pèr coumprene: " *l'objectif, c'est d'identifier clairement la collectivité responsable d'une politique de façon à faire en sorte que toute autre collectivité qui en aurait l'envie, ne puisse intervenir que dans le cadre qui aura été fixé par l'autorité qui en a eu compétence.*"

Bon, ço que i'a de coumprene es que gardaren noste milo-fueio de couleitivita territou-rialo, es un regale... pèr li coutribuable que se partejon, éli, rèn que lou pagamen dis impost loucau à tóuti li nivèu.

La nouvéta, que n'es pas uno, lou prèsiènt prepauso de crea un estatut de metroupòli qu'anara en delai dis establiment pubic atau e poudra eiserça l'ensèn di respousabiliteta dóu desvouloupamen urban.

Es deja la garouïa à Marsiho pèr acò...

Bernat Giély

## Li laureat à Ventabren



## Catalougno, uno nacioun

### La Catalougno sara lou nouvel Estat independènt d'Éuropo.

Lou 11 de setèmbro passa l'avié de milioun de Catalan pèr carriero à Barcelouno pèr demanda la liberta.

Se dis aro que la majourita de la pouplacioun voutarié pèr l'indpendènci.

Fau dire que lou gouvèr espagnòu en criso à pas rèn trouba de miés que de faire paga li Catalan, em'un meno de coutrat fiscau pèr pipa l'argènt di regioun rico.

Artur Mas, lou prèsiènt de la Catalougno, es tant lèu ana rena à

Madrid, mai pecaire lou Mariano Rajoy vouguè rèn saupre pèr chan-ja aquèu coutrat fiscau.

De retour au Parlamen catalan à Barcelouno, M. Mas a demanda d'eleioun anticipado que se tendran lou 25 de novèmbro.

Coume dis sara l'òcasioun pèr li Catalan de "chausi soun aveni en tant que nacioun" e d' "eiserça soun drech à l'autodeterminacioun". Aquèis eleioun soun à mand de vira en plebiscite pèr la secessioun de la Catalougno.

Tant soulamen lou gouvèr de Madrid rapello que soulet l'Estat espagnòu es abilita à counvouca un referendum.

Catalan de luen o fraire, se poudian mai coumunia tóuti ensèn...

### Li discours de Ventabren

Lausenjo de Marc Dumas pèr soun counfraire Pèire Pessemesse.

Pajo 7

### À La Ciéutat coume en 1720

Es la desenco fes que li Ciéutaden nous prepauson un viage dins lou tèms.

Pajo 2

### La "Calandreta" d'Aurenjo

L'escolo se fai en lengo nostro pèr li jouinet de la vilò d'Aurenjo.

Pajo 4